



বাংলাদেশ গার্ল গাইডস് এসোসিয়েশন

জাতীয় কার্যালয়, গাইড হাউজ

নিউ বেইলী রোড, ঢাকা-১০০০

ই-মেইল : bgguidesho@gmail.com

ফোন : ৮৮০১৫৫০১, ৮৮০১৫৫৯২

পত্র নং গাগা/ প্রকা/প্রশা-২০২২-৩৭৭(১০)

তারিখ : ৩০ মার্চ, ২০২২

২৮ হতে ৩১ মার্চ, ২০২২ চারদিন ব্যাপী, হোটেল সৈকত, স্টেশন রোড, চট্টগ্রামে বাংলাদেশ গার্ল গাইডস্ এসোসিয়েশনের ৪৩ তম জাতীয় পরিষদ অধিবেশন অনুষ্ঠিত হয়।

প্রধান অতিথি হিসেবে উপস্থিত থেকে অনুষ্ঠানের উদ্বোধন করেন জুয়েনা আজিজ, মাননীয় প্রধানমন্ত্রীর মুখ্য সমন্বয়ক (এসডিজি বিষয়ক) গণপ্রজাতন্ত্রী বাংলাদেশ সরকার।

বিশেষ অতিথি ছিলেন জনাব মোঃ আশরাফ উদ্দিন, বিভাগীয় কমিশনার, চট্টগ্রাম এবং ডা. হাসান শাহরিয়ার কর্বীর, বিভাগীয় পরিচালক, (স্বাস্থ্য) চট্টগ্রাম বিভাগ, চট্টগ্রাম।

সম্মানিত অতিথি ছিলেন মোহাম্মদ মিনুর রহমান, জেলা প্রশাসক, চট্টগ্রাম, ডা. মোহাম্মদ ইলিয়াছ চৌধুরী, সিভিল সার্জন, চট্টগ্রাম এবং অধ্যাপক আব্দুল আলীম, ভারপ্রাপ্ত চেয়ারম্যান, মাধ্যমিক ও উচ্চ মাধ্যমিক শিক্ষা বোর্ড, চট্টগ্রাম।

এই অধিবেশনে বিভিন্ন ক্যাটাগরিতে গাইড সদস্যদের ক্রেস্ট প্রদান করা হয়। বিশিষ্ট শিক্ষাবিদ হিসেবে “মহাত্মা গান্ধী অ্যাওয়ার্ড ২০২০” প্রাপ্তিতে ডেপুটি জাতীয় কমিশনার (প্রেস্টাম) প্রফেসর ড. ইয়াসমিন আহমেদকে সম্মাননা প্রদান, “বেগম রোকেয়া পদক ২০১৯” প্রাপ্তিতে কুমিলা অঞ্চলের অতিরিক্ত আঞ্চলিক কমিশনার পাপড়ী বসুকে সম্মাননা প্রদান, ২০২১ সালে এশিয়া প্যাসিফিক রিজিওনাল কনফারেন্স প্রোগ্রাম প্লানিং সদস্য পদে মনোনয় প্রাপ্তিতে মাহনাজ হোসেন ফারিব কে সম্মাননা প্রদান, International Volunteer Day উপলক্ষে ২০২১ সালে Bangladesh Volunteer Award by UNV (2nd position) প্রাপ্তিতে জাতীয় রেঞ্জার কাউন্সিলের সেক্রেটারী, তাহমিনা বিনতে সিরাজ কে সম্মাননা প্রদান ও International Volunteer Day উপলক্ষে ২০২১ সালে Bangladesh Volunteer Award by UNV (10th position) প্রাপ্তিতে, রেঞ্জার ও YESS country coordinator তামরিন আফরোজ কে সম্মাননা প্রদান করা হয়। প্রধান অতিথি সকলের হাতে ক্রেস্ট তুলে দেন।

৩০ মার্চ সিভিল সার্জন কার্যালয় চট্টগ্রাম-এর উদ্যোগে হোটেল সৈকতে বিশেষ হেল্থ ক্যাম্পে কাউন্সিলরদের ডায়াবেটিস ও উচ্চ রক্তচাপ নির্ণয়, ব্লাড সুগার, রক্তচাপ, রক্তের চর্বি, কিডনি, হার্ট, চোখ ও পায়ের জটিলতা পরীক্ষা করা হয়। এ ছাড়া জাতীয় তামাক নিয়ন্ত্রণ সেল, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়ের সহযোগিতায়, মাননীয় প্রধানমন্ত্রীর ঘোষণার আলোকে ২০৪০ সালের মধ্যে তামাকমুক্ত বাংলাদেশ গড়ে তোলার লক্ষ্যে গার্ল গাইডের ভূমিকা বিষয়ে সেশনে মুখ্য আলোচক ছিলেন জনাব হোসেন আলী খোন্দকার, সমন্বয়কারী (অতিরিক্ত সচিব) জাতীয় তামাক নিয়ন্ত্রণ সেল, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়। অনুষ্ঠানে সভাপতিত্ব করেন কাজী জেবুন্নেছা বেগম, জাতীয় কমিশনার, বাংলাদেশ গার্ল গাইডস্ এসোসিয়েশন ও অতিরিক্ত সচিব, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়।

সমাপনি দিনে সকল অঞ্চলের সমন্বয়ে এক মনোরম সাংস্কৃতিক অনুষ্ঠান পরিবেশিত হয়।

এর আগে জাতীয় কার্যনির্বাহী কমিটির ১০ম সভা হোটেল সৈকতে অনুষ্ঠিত হয়। সভাপতিত্ব করেন জাতীয় কমিশনার কাজী জেবুন্নেছা বেগম।

জাতীয় কার্যালয় সহ রাজধানী, ঢাকা, চট্টগ্রাম, রাজশাহী, খুলনা, বরিশাল, সিলেট, কুমিল্লা, রংপুর ও ময়মনসিংহ সহ ১০ অঞ্চল হতে তিন শতাধিক কাউন্সিলর অংশগ্রহণ করেন।







স্বাক্ষরিত/-

সাবিনা বেগম
জনসংযোগ, প্রচার ও প্রকাশনা কর্মকর্তা